

Broj: 03-1-02-1-1035-2/23  
Sarajevo: 5.12.2023. godine

**URED ZA BORBU PROTIV KORUPCIJE  
UNSKO-SANSKOG KANTONA**  
Alije Đerzeleza 2  
77000 Bihać

24

PRIMLJENO		12-12-2023	
Organizaciona jedinica	Klasifikacioni znak	Redni broj	Broj priloga
24-04-	11841-	2	

23

**PREDMET:** Uspostava Registara na osnovu Zakona o prijavljivanju i postupku provjere podataka o imovini izabranih nosioca javnih funkcija u Unsko-sanskom kantonu, mišljenje, dostavlja se -

**VEZA:** Vaš akt broj: 24-04-11841-1/23 od 10.11.2023. godine

Agencija za zaštitu ličnih podataka u Bosni i Hercegovini (u daljem tekstu: Agencija), je zaprimila akt kojim tražite mišljenje u vezi uspostave „Registra ličnih podataka o imovini i postupku provjere imovine nosioca javnih funkcija u Unsko-sanskom kantonu“ i „Registra poklona“.

Od Agencije zahtijevate mišljenje da li je planirana uspostava predmetnih registara u skladu sa Zakonom o zaštiti ličnih podataka.

Agencija shodno članu 40. stav (2) tačka g) Zakona o zaštiti ličnih podataka („Sl. glasnik BiH“, broj: 49/06, 76/11 i 89/11) daje sljedeće:

### MIŠLJENJE

Zakon o zaštiti ličnih podataka (u daljem tekstu: Zakon) je opšti propis koji reguliše obradu i zaštitu ličnih podataka, a primjenjuje se na lične podatke koje obrađuju svi javni organi, fizička i pravna lica, osim ako drugi zakon ne nalaže drugačije. Cilj Zakona je da se na teritoriji Bosne i Hercegovine svim licima, bez obzira na njihovo državljanstvo ili prebivalište, osigura zaštita ljudskih prava i osnovnih sloboda, a naročito pravo na privatnost i zaštitu podataka u pogledu obrade ličnih podataka koji se na njih odnose.

U članu 4. Zakona propisani su osnovni principi obrade ličnih podataka kojih su obavezni da se pridržavaju svi kontrolori u postupku obrade ličnih podataka. To su principi: pravičnosti i zakonitosti, svrhe, mjere i obima, tačnosti i autentičnosti, mogućnosti ispravke netačnih ličnih podataka, vremenskog perioda obrade ličnih podataka, forme u kojoj se čuvaju lični podaci te da se ne objedinjuju lični podaci prikupljeni u različite svrhe. Navedeni principi se moraju na adekvatan način primjeniti kod donošenja zakonskih i podzakonskih akata, kojima se reguliše obrada ličnih podataka.

Član 4. stav (1) tačka a) Zakona propisuje da je kontrolor obavezan da lične podatke obrađuje na pravičan i zakonit način.

Ovaj princip podrazumijeva obradu ličnih podataka na osnovu saglasnosti nosioca podataka ili se obrada vrši bez saglasnosti ukoliko je ispunjen jedan od uslova propisanih u članu 6. Zakona.

U članu 6. stav (1) tačka a) Zakona, propisano je da kontrolor može obrađivati lične podatke bez saglasnosti nosioca podataka, „*ako vrši obradu ličnih podataka u skladu sa zakonom ili je obrada neophodna da bi se ispunile nadležnosti utvrđene zakonom*“.

Shodno principu pravičnosti i zakonitosti, uspostava predmetnih Registara i obrada ličnih podataka u istim, treba se vršiti u granicama ovlaštenja koja su propisana relevantnim zakonom, a to je u ovom slučaju Zakon o prijavljivanju i postupku provjere podataka o imovini izabраних nosioca javnih funkcija u Unsko-sanskom kantonu („Službeni glasnik Unsko-sanskog kantona“ broj: 17/22).

Stoga, mišljenja smo da Zakon nije prepreka za uspostavu Registra ličnih podataka o imovini i postupku provjere imovine nosioca javnih funkcija u Unsko-sanskom kantonu i Registra poklona, na način i sa vrstama ličnih podataka koje su propisane Zakonom o prijavljivanju i postupku provjere podataka o imovini izabраних nosioca javnih funkcija u Unsko-sanskom kantonu.

S poštovanjem,



**DIREKTOR**

**dr Dragoljub Reljić**

**Dostavljeno**

- Naslovu
- Spis predmeta